



দক্ষিণবঙ্গ মৎস্যজীবী ফোরাম (ডি.এম.এফ.)

ট্রেড ইউনিয়ন রেজিঃ নং - ২০৪৭৪/৯২ এন.এফ.এফ. অনুমোদিত

প্রধান কার্যালয় - ২০/৪ শিল লেন, কলকাতা - ৭০০০১৫; ফোন ও ফ্যাক্স - ০৩৩-২৩২৮৩৯৮৯ ই-মেল : dmfwestbengal@gmail.com

১লা মে, ২০২১

মাননীয় মুখ্যমন্ত্রী,
পশ্চিমবঙ্গ সরকার,
নবান্ন, হাওড়া

বিষয়ঃ মাছ বাজারগুলিতে করোনা নিষেধাজ্ঞা নির্ধারিত কেনা-বেচার সময় বৃদ্ধির অনুরোধ

মাননীয় মহাশয়া,

করোনা মহামারী পশ্চিমবঙ্গে ভয়াবহ আকার নিয়েছে। নির্বাচনোত্তর সময়ে এর প্রকোপ নিয়ন্ত্রণে রাজ্য সরকার বাজারগুলিকে সকাল ৭টা থেকে ১০টা এবং বিকেল ৩টা থেকে ৫টা পর্যন্ত বন্ধ রাখার নির্দেশ জারি করেছেন।

বাঙালী জনসমষ্টির কাছে মাছ একটি অত্যন্ত প্রয়োজনীয় খাদ্য। রাজ্য সরকার নিশ্চিতভাবে অবগত আছেন যে খুচরো মাছ বিক্রেতারা ভোর রাত থেকে মাছের আড়তগুলি থেকে মাছ সংগ্রহ করে স্থানীয় বাজারে নিয়ে আসেন এবং প্রতিদিন বেলা ১টা-২টা পর্যন্ত মাছ বিক্রি করে থাকেন। মাছ অত্যন্ত পচনশীল। প্রতিদিনের সংগৃহীত মাছ প্রতিদিন বিক্রি করা জরুরি। সকাল বেলাতেই অতি অধিকাংশ মাছ বিক্রেতা মাছ বিক্রি করে থাকেন। সকাল ৭টা থেকে ১০টা, মাত্র ৩ ঘণ্টার মধ্যে মাছ এনে বিক্রি করার কাজ সম্পন্ন করা সম্ভব না হওয়ায় ব্যাপক সংখ্যক মাছ বিক্রেতা ব্যবসা করতে পারবেন না এবং রোজগার বন্ধ হওয়ায় চরম দুর্দশাগ্রস্ত হবেন। এই পরিপ্রেক্ষিতে দক্ষিণবঙ্গ মৎস্যজীবী ফোরাম আবেদন করছে -

- ১। মাছের আড়তগুলিকে ভোর বেলায় খোলা রাখতে দেওয়া হোক;
- ২। খুচরো মাছ বাজারগুলিকে সকাল ৭টা থেকে বেলা ১২টা পর্যন্ত খোলা রাখতে দেওয়া হোক।

এর সাথে দক্ষিণবঙ্গ মৎস্যজীবী ফোরাম সরকারের কাছে প্রতিটি মাছ বাজারে করোনা সতর্কতা অবলম্বন করে শারীরিক দূরত্ব বজায় রাখা এবং মাস্ক ও সাবান জল বা স্যানিটাইজার ব্যবহার বাধ্যতামূলক করার জন্য প্রচার ও কঠোর নজরদারীর অনুরোধ করছে। সংগঠনের পক্ষ থেকে এই বিষয়ে সদস্যদের সচেতন করা হচ্ছে এবং সরকারের সাথে সর্বতোভাবে সহযোগিতা করা হবে।

সহানুভূতি ও সংবেদনশীল বিবেচনা ও সিদ্ধান্তের প্রতীক্ষায়।

আপনার বিশ্বস্ত,

প্রতিলিপি প্রেরণ করা হল -

- ১। মাননীয় মৎস্যমন্ত্রী, পশ্চিমবঙ্গ সরকার।
- ২। মাননীয় প্রধান সচিব, পশ্চিমবঙ্গ সরকার।
- ৩। মাননীয় গৃহ সচিব, পশ্চিমবঙ্গ সরকার।

প্রদীপ চ্যাটার্জী,

সভাপতি,

দক্ষিণবঙ্গ মৎস্যজীবী ফোরাম